

359* Fu posto, per li Consieri, Cai di XL e tutti i Savii, atento sier Antonio Surian dottor et cavalier è stato mexi 22 orator nostro in Anglia, sia electo di presenti uno orator in loco suo, meni con si cavalli 11 et do stafieri, habbi a l'anno per spese ducati 120, li sia dà danari per mexi... a pizoli 124 per ducato fuora di banco, con certe clausole *ut in parte*, da esser expedito e con la comission quando parerà a questo Consejo. Fu presa.

Fo tolto il scurtinio di Provedador zeneral in Dalmatia e di l'Orator in Anglia.

Fu posto, per li Savii dil Consejo e Terra ferma, che per il bisogno dil danaro, non essendo più tanse, sia ben fato a conzar la terra, però il Colegio nostro debbi venir questa altra settimana con le soe opinion in questa materia al Consejo, in pena ducati 200, *ut in parte*. Fu presa.

Fu posto, poi leto una suplication dil conte Mercurio, vol certo teren a Treviso per fabricar una caixa, et leto la risposta di sier Priamo da Leze podestà e capitano di Treviso conseja se la conciedi, sarà adornamento di la terra, ma con certe condition *ut in ea*. Et fu per li Consieri, Cai di XL, e Savii, posto conciederli quanto el dimanda dil dito teren; et balotà do volte non ave il numero di le balote, anderà a uno altro Consejo.

Fu posto, per sier Antonio Condolmer, sier Marin Morexini savii sora le aque, havendo inteso Zuan Inchiostro stimador a doana di mar che 'l suo officio si volea dar a Alvise Zucharin per ducati 150, è venuto al dito officio a dir vol dar lui ducati 200 in don a la Signoria e sia el dito officio, poi la sua morte, di uno suo fiol; per tanto sia preso che al dito sia concesso el prefato officio poi la morte dil padre, con la condition *ut in ea*, et dando li ducati 200 in dono al dito officio, *ut in parte*.

Et Io Marin Sanudo, è di Zonta, per debito di conscientia andai in renga, è principiai a voler contradir a tal parte, *unde* per voler gli scurtinii fo rimesso a uno altro Consejo. Era di voja di travasar questo officio sora le aque.

Fu poi balotato il Provedador zeneral in Dalmatia, tolti numero 38, rimase sier Anzolo Guoro da sier Hironimo da Canal patron a l'Arsenal. Et Orator in Anglia, tolti 19, rimase sier Nicolò Tiepolo dottor, è di ta Zonta, qu. sier Francesco, soto sier Mafio Lion fo avogador, et si vene zoso a hore 3 di note. Il scurtinio sarà qui avanti posto.

360 Noto. In questa matina, havendo fato notar li Cai di Quaranta una parte da esser messa in Pregadi, et havendo refudato, li Cai di Quaranta presenti voleno

meterla, la qual è di questo tenor: Che *de cætero* li Savii ai ordeni si fazi in 4 volte, *videlicet* numero 2 a la volta per scurtinio con boletini, e stagino mexi 6, *ut in parte*; la qual quelli di Colegio non li piaceva, ma ozi non fo posta per esser l'hora tarda, si-ché è stà mandà a monte.

In questa sera, a caixa dil Legato dil Papa qui a me vicina, fu fato una comedia assa' ferial. Vi fu una cena, alcuni senatori, tra li qual sier Luca Trun el consier e altri; che è contra le leze.

Noto. A Brexa sequite uno teramoto, sicome se intese per *letere di sier Nicola Zorzi capitano di Brexa, di 28 Zener, drizate a sier Bernardin suo fiol*, il capitolo di la letera è questo:

Heri, circha a hore 22, fu qui un teramoto piccolo et pocho durò, fece cazer il teren dal spalto dove se lavora le mure a la porta di le Pille, et coperse et amazò sette persone, cinque de le quali se hanno trovati e li do se troverano doman. Fra questi sono tre puti che portavano li zerloti. Iddio li habbi remission a l'anima loro.

Scurtinio di Provedador zeneral in Dalmatia, 360 con ducati 50 al mexe per spese et 4 cavali, justa la parte.*

Sier Tomà Marin, fo provedador a Salò e capitano di la Riviera di bressana, qu. sier Filippo	36.133
Sier Sigismondo di Cavalli, fo provedador di cavali lizieri in campo, qu. sier Nicolò	65.103
Sier Zacharia Bembo, fo provedador di Bassan, qu. sier Francesco <i>dai Do ponti</i>	21.145
Sier Hironimo da Canal patron a l'Arsenal, qu. sier Bernardin	90. 73
Sier Andrea Bondimier, fo in campo, qu. sier Zaneto	63.103
Sier Marco Bragadin, fo di Pregadi, qu. sier Zuan Alvise	60.106
Sier Piero Morexini, qu. sier Zuan de santo Anzolo.	27.138
Sier Francesco da cha' Taiapiera, fo conte a Sibinico, qu. sier Andrea	69.100
Sier Lodovico Querini, fo provedador di stratioti in Friul, qu. sier Giacomo	42.122
Sier Alvise Loredan, fo soracomito, qu. sier Luca, qu. sier Giacomo procurator	46.119
Sier Marco Contarini, fo castelan a Pe-	